

冀德府志

彰德府安陽縣爲纂修誌書以備典要事蒙
河南布政使司信牌順治十五年三月二十八
口蒙

欽差巡撫河南兵部左侍郎兼都察院右副都御
史加一級賈 憲牌前事照得各府州縣之有
誌也其所紀載不越提封四境之中而實能備
國史之所未盡猶大宗之有小宗焉猶江海之支
流山嶽之嶁阜焉不可廢也中州夙稱文獻名

彰德府志

卷之一

一

邦高賢輩出其於典故載籍必所素重昨據該
司呈送通省府州縣誌書僅四十六種其餘各
屬咸稱兵燹之後蕩然無遺就其中新經纂刻
者止汝州永寧數處此外皆係勝國舊編而於
近今之事者俱付闕如及今不圖恐世遠言湮
老成凋謝後來雖欲從事勢必更難擬合通行
意爲修纂爲此牌仰本司官吏文到即便轉行
各府州縣凡無誌者速宜網羅舊章博求稗乘

敦禮耆英聞局哀輯其有舊誌而未載近今之事者或有雖經翻刻而因陋就簡不諳史裁者亦須多方採集更延名碩訂正務使缺畧咸輯今昔備載修成先錄清稿呈送本部院披覽諒此不朽之垂人人自有同心也毋得遲違等因到司備行到府蒙此擬合就行爲此帖仰本縣官吏煇帖備蒙憲牌內事理卽察該縣無誌者速宜網羅舊章博求稗乘敦禮耆英開局哀輯

彰德府志

卷之一

二

其有舊誌而未載近今之事者或有雖經翻刻而因陋就簡不諳史裁者亦須多方採集更延名碩訂正務使缺畧咸輯今昔備載修成先錄清稿具文徑送

本部院併送本司本府披覽諒此不朽之垂人人自有同心也慎勿遲違速速須至帖者

右帖下安陽縣准此

順治十五年四月

日

修誌姓氏

總裁

巡撫河南提督軍務兼理河道兵部尚書兼都察院右副都御史加二級賈漢復
膠滿州籍 侯曲沃人

巡按河南監察御史

李粹然

遼東遼陽人 戊子貢士

提調

布政使司左布政使

徐化成

文昌平籍浦州 侯人丁亥貢生

右布政使

桑芸

葑山西榆次 雲人庚現辰

管通省糧儲道副使兼左叅議

彰德府志

卷之一

一

管通省清軍氏田驛傳塩口道兼潁川潼關衛等處防河事務兵備僉事程芳

箕順天大興籍江 山西永豐人壬午

按察使司按察使

馬燁曾

觀浙江平湖 陽人己丑

專管通省河道水利兵備副使徐必遠

寧貴州新貴籍江 安南江寧人己丑

提督學政右叅議兼僉事

朱廷瑞

增江南歙縣 城人丁亥

分守河 道左叅議

李昌祚

過湖廣漢陽籍江 廬西玉山人壬辰

分巡河北道河南等

處提刑按察司僉事加一級楊春芳

莪直隸興濟 嵩人拔貢

督理

彰德府知府加一級

宋可諤

莪山東膠州 石人己丑

彰德府知府加三級

王弘仁

德遼東遼陽
甫人戊子貢士

同知

謝 宸

殿江南武進
颺人已丑

通判

張學孟

浩遼東寧遠
然人拔貢

推官

趙貫台

紫山東平陰
垣人丙子

較梓

彰德府安陽縣知縣

侯爾東

尹山西汾西
茲人拔貢

同較

彰德府儒學教授

萇孕秀

青封丘人巳
羅丑進士

安陽縣儒學教諭

鄒 楷

端河內人
修歲貢

彰德府志

卷之一

二

訓導

王九域

密縣人歲
貢

纂修

郡人原任河間府南皮縣知縣吳之鏞

穎己丑進
修士

郡人舉人

孫麟徵

郡人舉人

楊起泰

郡人生員

張炳蔚

郡人生員

王元熙

評論

郡人開封府儒學教授

許 纘

毓壬
辰

郡人舉人

緱西生

郡人舉人

許三禮

郡人生員

蘓統瞻

郡人生員

吳振周

訂正

郡人貢生

高鳴岐

郡人生員

曹運通

彰德府志

卷之一

三

郡人生員

路之朝

采輯

郡人生員


郭 璧

郡人生員


安之禔

郡人生員

尚林春




彰德府城垣圖




彰德府城垣圖
台南小寺
台天寧寺
台庫
台觀
台北小寺
台南琴院
台養濟院
台陽聖廟
台書院
台城隍廟
台輔聖廟
台彰德衛
台北客院
台武廟
台北客院
台七聖廟
台備倉
台光天寺


安陽縣圖



彰德府圖



安陽縣儒學圖



彰德府儒學圖



重修彰德府志序

相臺舊有宋志十二卷
嘉靖初大宗伯崔文敏
刪刈煩蕪以歸大雅書
成八卷文獻郁然至萬
曆辛巳越六十載大學
士郭文簡復修之至今

序上

一

且七十年未有起其廢
墜者可羨承乏茲土適奉
檄摛輯以備政教之攷
於是延鄉紳博士諸生
訪羅曩聞兼訊近事釋
疑存信以付殺青因弁
言於簡端夫郡邑之志

所以貳史也非其時則
難舉非其人則莫在故
子長欲匱之名山魏收
遂目爲誣冊淹雅工瞻
誠未易兼况相臺爲四
戰地襟漳帶洹肘山背
阜殷宗奠宅袁曹虎爭

序上

二

趙齊燕魏迭相割據沿
革不同其爲都會則一
也爰志地里版築固險
以戒復隍聽政采風有
需燕寢今則椒塗寂莫
濕螢夜飛官署差存茨
墉僅備修葺憑弔存乎

其人爰志建置失義存
數祝史致譏守數持公
荀卿深感故仲丁及戊
通載令甲勞國勤事咸
在秩祠精靈所栖曠刼
不燼則旌孝崇德之宇
尚可考也爰志祠祀因

序上

三

土作貢以供天室神君
慈母善爲寬嚴衛鞅固
百世所羞穰楊炎亦士
人所不齒况乎奇荒介
馬變革相尋履畝難稽
讟擾易作不有君子民
生其猶蹙乎爰志田賦

潘令有花千爍穠艷程
門侍雪環座皆春觀雉
馴麥峻之詞問雨化治
成之澤其人可溯其名
則何可無傳也爰志官
師而武爵附之山鍾川
育柱國棟堂銘之景鍾

序上

四

流爲世說故荀龍賈虎
蔚爲國華馬巷烏衣巋
燦江左矧夫文章道德
駿業豐功顯於一代者
乎通阨不倫聲穠足慕
爰志人物而孝子烈女
系之壽考作人學古升

雋重賓興之典高制菽
之林故附文信國之榜
者其品千烁追卜西河
之風者其人曠代式鄉
閭而光斧鬣皆可述也
爰志選舉而封贈繼之
至於鄉社橋梁市園里

序上

五

鎮灌輸所集榆扮所依
贅之襍志以見大意因
念授簡飛蓋才擅應劉
咽露饗芝譽高温庾而
韓陵片碣光燄宵蜚騎
曹八分苔蘚半蝕漁莊
畫錦其辭至今存也遂

以藝文終焉是役也實
維
撫軍直指主持表章之
功藩臬憲臺相與贊督
之力也近方涑水未暇
編年上仰扶風敢云窺
豹第鼎革之後見聞之

序上

六

士鴻雪難詢劇目鉢心
方惴惴於知罪之間也
求如其鄉之李延壽其
人者於後覽誠有深望
云

順治十六年龍集清和

之吉郡守膠西宋

可蒞

撰

重修彰德府安陽縣誌序

今

上神武獸運黔滇蕩平海內版圖
統入疆索車書會同可謂盛矣
天子將顧問石渠諸臣輯成書昭
一統以垂久遠此其時也然非
郡邑之誌上之省會省會之誌

序上

一

上之

京師則圖書無所備考焉豫撫
賈老大人已先

聖天子之心鯁鯁然而計及此矣
爰下檄郡邑遍徵圖冊務使山
川形勢古今沿革田賦增減戶
口贏耗之數風俗貧饒厚薄之

槩守令之賢否人物之盛衰以
及忠孝節烈之行無不悉舉此
與蕭相國人關亟取丞相府圖
書藏之同一巨識蓋天下之事
有似緩而實急大臣之舉事有
似迂於計而最切乎治體者此
類是也則此誌書之修非通達

序上

二

治體如

中丞老大人其誰倡之而董成
之也哉職承乏安邑受任日淺
困於簿書鞅掌羽檄催呼席不
及煖帶不及解且征師頻集駐
牧郊原佐辦軍需疲走奔命匝
數月而秦楚之餉又見告矣卽

欲披覽圖書振興曠典時不暇
給奉修誌之檄惴惴然惟恐不
克副

憲意乃晉鄉先生及學博暨諸
茂才而謀之僉曰此盛事也鉅
典也樂與共勦焉然安陽舊無
專誌郭附於府誌亦附之遂卽

序上

三

崔文敏郭文簡兩先生所輯者
述已往補今茲仍昔日之典型
備

昭代之文獻書成職披而閱之喟
然曰此殷墟也夫子所歎爲度
哉者此今日之遺黎也山川猶
昔風俗猶昔職不敏旣度何加

之意敢不再氏子而皇皇慮之
此文

憲命所屬望於富教者於誌寓
之乎敬以是應

順治十六年四月朔之三日安

陽縣知縣侯爾東撰

彰德府志目錄

崔銑輯

卷之一

地理志第一之一

卷之二

地理志第一之二

卷之三

建置志第二

彰德府志

卷之目錄

一

卷之四

田賦志第三

祠祀志第四

卷之五

官師志第五

卷之六

人物志第六

卷之七

選舉志第七

卷之八

鄴都宮室志第八

雜志第九

敘曰正德己卯太保湯陰李公於中秘得宋相臺志十二卷元續志十卷郡守陳公萬言令所部各以其志送官是歲冬以予輯而正之明年春銑遭先母淑人憂又兩閱歲旣禫祔矣始啓書讀之宋


彰德府志

卷之目錄

二

志事略具而文義蕪鄙元以下亡觀焉乃別爲例作九志凡八卷其事兼采諸史其文則刪潤者過半矣夫志者郡史也備物垂軌不軌不物眩觀惑鄉雖文奚用哉故地理稽實而黜附會建置遵制而明則田賦以恤隱祠祀以正典官師均列而信教人物選舉上行而下秩宮室刺奢雜志輔化崇正義而黜異端損浮冗而要簡確然後府事稍可斯竊取諸君子之志焉銑也才淺能薄意長

短况府居衝衢海内兵作先被荼棘今土著之家十不存一舊典湮滅後學寡聞循長鄉哲靡由殫述舊志涉誤近諛者並以義刪之不能登載孔子曰多聞闕疑慎言其餘夫述不師聖其胡用訓罪我者其以是夫嘉靖改元歲後渠崔銑書



彰德府志卷之一

地理志第一之一

彰德府禹貢冀州之域書序曰河亶甲居相

今

西北有開元寺寺後有亶甲冢冢在洹水南岸有故城曰畿城一曰亶甲城周四十步高一丈五尺又有地曰商亭城冢記曰亶甲所居夫湯始居亳仲丁遷亶亶甲自亶徙居相祖乙居耿盤庚歸治亳凡五遷商之諸王以十日互為帝號惟亶甲加河者漢書地理志魏郡有大河有滏有汙今東永和及鄴臨漳之間尚多卑下必水圯其都祖乙乃遷改爾

春秋時屬晉陽左

氏傳曰齊侯伐晉取朝歌入孟門登太行趙勝帥

彰德府志

卷之一

一

東陽之師以追之此地即東陽也

晉山東朝陽故曰東陽

戰

國時屬魏

史記魏文侯出征以西門豹守鄴

後屬趙

史記廉頗攻魏取安陽

秦併天下為邯鄲上黨地漢高祖始分置魏郡治

鄴後漢末冀州理之韓馥為州牧袁紹藉馥起兵

建安九年曹操攻袁氏拔鄴因其富強遂居之以

為根本天下方亂百姓皆奔鄴因曹氏之強以小

安鄴俗視天下最號難治十七年獻帝以十五縣

三魏地封操為魏公操分為東西部擇強守令治

之曹丕篡立黃初二年以東部爲平陽郡西部爲廣平郡廣平陽平魏謂之三魏晉曰魏郡理於鄴後趙石虎魏冉閔前燕慕容雋皆建都符堅乎燕以王猛爲冀州牧而鄴隸焉後魏天興元年克鄴城道武幸鄴訪立州名尚書崔光對曰昔河亶甲居相聖皇天命所相宜曰相州道武從之改曰相州文帝太和十八年欲遷都洛陽經鄴登銅雀臺御史大夫崔光等曰鄴平原千里運漕四通有

彰德府志

卷之一

二

西門史起舊迹可以饒富在德不在險請帝都之孝文曰君知其一未知其二鄴非久居之地石虎碩於前慕容滅於後國富主奢暴成速敗且西有枉人山東有列人縣北有柏人城君子不飲盜泉惡其名也遂止東魏孝靖帝遷鄴改築南城以相州刺史爲司州牧魏郡太守爲魏尹北齊高洋篡立改魏尹爲清都尹周滅齊復改相州大象二年兼置魏郡自故鄴徙州於安陽卽今治所也隋初

廢魏郡煬帝初廢州復置魏郡理安陽唐武德初復改相州天寶元年改鄴郡至德後中原用兵刺史皆理軍戎始有節度之號乾元元年復改相州梁貞明元年建昭德軍節度以軍亂地歸後唐莊宗入魏爲屬郡屬魏州晉天福二年復陞彰德軍節度宋復爲相州金陞彰德府爲其地重物繁特以親王駙馬爲節度使元改彰德路長曰達魯花赤如古監郡以國中勲舊重臣充之 明改彰

彰德府志

卷之一

三

德府廣二百四十里袤二百十里東內黃南濬西壺關北邯鄲府隸河南布政使司置彰德衛守焉領州一縣六城圍九里一百十三步高二丈五尺闊二丈外磚內土四門東永和南鎮遠西大定北拱辰壕闊十丈水深者二丈淺者八九尺宋志云後魏天興元年築宋景德三年增築圍十九里今裁得其半云

安陽縣

附郭

自秦至隋四遷秦故城在州東南四十

三里近内黃縣本殷墟及邶鄘衛之地亶甲祖乙紂之王畿也戰國時爲魏寧新中邑秦昭王使白起破趙兵於長平分其軍爲三命王齧將而伐趙邯鄲是歲冬秦別將張唐攻魏拔鄭王齧攻邯鄲不拔引兵從唐拔寧新中改名安陽變寧爲安義相近矣水北山南曰陽其以在淇北故耶史記秦二世三年使將章邯王離圍趙鉅鹿楚懷王以宋義爲上將項羽爲次將北救趙義至安陽留不進

彰德府志

卷之一

四

羽殺義引兵渡河與秦軍遇九戰大破之虜王離率諸侯兵再與章邯鄲漳南又擊之汙水上汙水在鄴

西遂聽邯鄲等降與邯鄲盟於洹水南殷墟今故城間有霸王店

傳云即羽與邯鄲盟處殷墟在故安陽邑也漢書注曰洹水在安陽縣北去朝

殷都一百五十里此殷墟非朝歌也漢初廢入蕩陰屬河内郡晉

於今縣西南置安陽縣後魏孝靖帝遷都鄴城廢以隸鄴周大象二年破尉遲迴焚徹鄴宮室乃徙

鄴縣於安陽更安陽曰鄴鄴曰靈芝縣即晉安陽縣地隋

開皇十年鄴與安陽各復名復徙縣於洹水南晉在

舊城 廢城今各堙圯大業十年移城內凡不言朝

東北 也 廢置 明因之東內黃南湯陰西林北磁廣一

百五十里袤七十里戶一萬一千九百三十四口
十萬六百九十六凡八十四里

湯陰縣古姜里也在七國時為魏蕩音陰邑史記

趙圍邯鄲魏晉鄙救 漢置蕩陰縣屬河內郡晉屬

魏郡後魏省隋開皇六年復置於今縣東十七里

彰德府志 卷之一 五

十年併入安陽縣十六年再置於今縣西南三十

里改曰蕩源大業二年省唐武德四年復置屬魏

州入古蕩陰城即今治也六年改屬相州貞觀元

年改曰湯陰宋宣和初改屬濬州後仍舊屬金屬

彰德府 明因之北達於府四十五里東開南

淇西林北安陽廣一百五十里袤四十里城圍六

里二百四十步六門戶九千七百三十二口五萬

四千七百二十一凡四十三里

臨漳縣即鄴地也晉建興二年以愍帝諱改曰臨漳縣東魏置鄴縣於鄴城中特置臨漳縣周武帝平齊建德六年自鄴城移臨漳治於城東二十里屬魏郡隋開皇三年改隸相州十年分縣地置長樂縣大業十年始築城宋省鄴縣入焉 明屬本府洪武十八年漳水墊民居 奏移治於東北十八里理王村西南達於府九十里東魏西磁南安陽北成安廣七十五里袤五十五里城圍四里

彰德府志

卷之一

六

高一丈七尺闊一丈有奇四門戶五千六百五十九口四萬六千六百三十六凡三十九里

林縣前漢地理志曰隆慮隸河內郡應劭曰有隆

慮山在北後漢避殤帝諱更曰林慮

師古曰慮音慮未獲其義

魏隸朝歌晉隸汲郡後魏太武眞君六年省入鄴

縣文帝太和二十一年復置永安元年改置林慮

郡齊天保七年郡廢後周平齊復之隋開皇三年

再廢十八年改置巖州大業二年州廢

凡州郡之廢皆

復爲
縣也

唐武德二年再復五年又廢令隸相州貞觀

十二年徙於今治所金陞爲林州 明洪武三

年降爲縣屬本府東達於府百二十里東安陽南

輝西壺關北涉廣九十里袤一百八十里城圍三

里二十步高一丈八尺四門戶五千五百三十口

三萬九千五百二十凡三十五里

磁州磁武安涉春秋晉地也後三家分晉歸於趙

秦滅趙屬邯鄲郡漢爲魏郡武安縣魏晉俱隸廣

彰德府志

卷之一

七

平郡後魏析武安縣地置臨水縣屬相州東魏尹

北齊屬清都郡開皇十年郡廢仍屬相州以地產

磁石始曰磁州以滏陽縣附郭大業初廢滏陽復

屬魏郡唐武德元年復爲州六年省臨水入滏陽

貞觀元年廢州令屬相州永泰元年復置磁州以

臨水地改置昭義縣天祐三年以磁茲音相近改

曰惠州後復曰磁五代梁屬昭德軍節度晉屬彰

德軍節度宋改爲郡曰滏陽金復曰磁州省昭義

入滏陽元陞爲滏原軍節度屬廣平路後復爲磁州 明洪武元年改屬彰德府廢滏陽縣南達於府七十里東成安南安陽西涉北邯鄲廣一百七十里袤一百里城圍八里二十六步高二丈惟有南北門戶五千六百八十六口五萬二百二十四凡四十一里領縣二置磁州守禦千戶所守焉所隸山西潞州衛

武安縣武安爲縣自西漢始屬魏郡魏屬廣平郡

彰德府志

卷之一

八

後魏仍屬魏郡隋開皇十年析其地置陽邑縣大業中復省陽邑入武安屬廣平郡唐初屬洺州永泰元年改屬磁州宋屬滏陽郡元省入邯鄲縣屬廣平尋復舊 明改屬磁州東南達於府一百九十里東邯鄲南磁西涉北沙河廣一百十里袤一百八十里城圍三里三百七十步高一丈八尺惟有西北門戶五千四百六十六口四萬五千五十凡三十四里

涉縣古沙侯國也漢置漠縣後漳水入縣東人民徙涉更曰涉屬魏郡魏晉屬廣平郡後魏天賜元年併入臨水縣後周移臨水縣治涉城隋開皇三年復於涉城置涉縣屬韓州唐貞觀十七年州廢改屬山西潞州金陞爲崇州元罷州復置縣屬真定路 明改屬磁州東南達於府二百七十里東磁南林西黎城北武安廣一百三十里袤一百四十里城圍四里高一丈五尺唯有南北門戶四

彰德府志

卷之一

九

千五百九十一口一萬二千一百三十九凡十八里

安陽韓陵山在縣東北十七里父老云漢韓信嘗屯兵焉故號韓陵或曰有冢曰韓陵故名山也北史曰普泰二年高歡起義兵誅爾朱世隆等普泰三年拔鄴爾朱天光姚度斛律仲達等退走韓陵歡大破姚度兄弟於山下斛斯椿擒天光度斛律仲達於河橋賈顯智執世隆於京師歡克捷於韓

陵乃立定國寺旌功有温子昇碑

昔晉文尊周宣於踐土齊桓

伯世威著於邵陵並道冠諸侯勲高天下衣裳會
同之所兵革交合之處寂消沉荒涼磨滅言談
者空知其名遭遇者不識其地然則樹銅表跡刊
石紀功有道存焉可不尚歟永安之季數鍾百六
天災流行人倫交喪余朱氏既絕彼天綱斷茲地
紐祿去王室政出私門銅馬競馳金虎亂噬九嬰
軸其空大丞相渤海王命世作宰唯幾成務標格
千仞崖岸萬里運鼎阿於襟抱納山岳於霄懷擁
玄雲以上騰負青天而高引鍾鼓噴上聞於天
旌旗續紛下盤於地壯士凜以爭先義夫憤而
起兵接刃於斯場車錯轂於此地轟轟隱隱若轉
石之墜高崖礮礮如激冰之投深谷俄而霧
卷雲除冰離葉散靡旗蔽日亂轍滿野楚師之數

彰德府志

卷之一

十

於柏舉新兵之退自昆陽以此方之未可同日
考茲沃壤建此精廬砥石勵金瑩珠琢玉經始等
於佛功制作同於造化息心是歸淨行攸處神異
畢臻靈仙萃鳴玉鑾以來遊帶霓裳而至止翔
鳳紛以相歡飛龍宛而俱躍雖復高天銷於猛炭
大地淪於積水固以傳之不朽終亦記此無忘

陳尚書徐陵嘗使北至鄴過韓陵山讀其碑心愛

其才麗手自錄之既南歸陳士人問陵北朝人物

何如曰唯韓陵片石耳龍山在縣西四十里周回

十里高五里左太冲魏都賦云鴛鴦交谷虎澗龍

山山東南有村曰善應洹水汙流出焉

元好問詩
平四合

盡桑麻百汲清泉兩焯花
何處覓仙家元劉驥應山水記相在河朔為大
郡洄水於相為佳境且四方士夫過是邦者必窮
探徧覽况親牧者乎丁卯秋九月既望時天高氣
清川空野靜百工將休萬寶皆成寔農之隙也總
管王公乃與叅佐數騎出郭門西行一舍許岡勢
稍坡陀又六七里迤邐路轉而下小川忽平展中
有一谿洄水合其流深碧可愛尋見居民夾岸廬
舍相望蔬畦竹塢上下棊布宛然如圖畫昔遣山
嘗謂絕似玉溪此語誠不妄停午少憩於長春觀
少焉渡水沿岸而西又行二三里樹木漸幽深以
山回抱潺湲然一泉沸出於其下水聲浩浩足以
洗塵慮而清襟靈遂置酒泉上但見鳥飛魚躍
姿州景一時會於目前想亦造物之有為也公喜
甚乃舉觴顧謂門客北燕劉驥曰子盍記之愚
茲洄混混晝夜不息雖久旱而不涸折流而東

彰德府志

卷之一

十一

近溉田千有餘頃民所賴者多矣非神尸之
是乎自公蒞政歲豐人足以其神陰相之可紀
傳不朽衆
皆曰然

寶山在龍山西南十餘里山產白石陶

人取以為器至今不窮山有八峯峯下有泉古曰

白石谷山西北有山曰清涼曰馬鞍高出諸山甚

絕而舊志不載清涼

元曹杲清涼山詩幾年浪
嗟萍梗跋涉風沙亦何幸于

今未了看山緣聞說清涼在清境四山回抱開翠
屏中有招提曰修定主人載酒邀我過石逕
度重嶺羸駮垂耳鞭不前挽葛攀藤歷參井白雲
靄無處尋路轉峯迴意方省亭亭孤塔認高
蒼訟杉密相映半天金碧照雙眸人道經

山倚空萬壑風嵐歸引領逸興翩翩不可收擬
譜新詩狀烟景寺僧亦愛詩人清自汲山泉潑松
呼童洗盞開芳樽况有嘉肴薦春餅酒酣大笑
發高歌舞袖婆娑亂雲影一時文彩重劉曹千古
高情慕箕穎惜無指日魯陽戈勝地可能留
少頃據鞍歸去復徘徊野烟漠漠平林暝
馬鞍

舊志附林縣銅山在縣西北四十里山舊產銅魯

山在縣西北七十里高望山在縣西北八十里蒙

賚山在縣西南二十五里後魏孝文帝南遷洛陽

於山下頒賚從臣艾山在艾口去縣七十里愁思

岡在縣南十五里周回七里高二丈二尺魏文帝

彰德府志

卷之一

十二

遷士庶人於洛陽登岡望鄴中莫不愁思隋文帝
改曰崇義岡俗曰望喜岡岡土有防城周回五里
六十步高一丈八尺史曰紂囚文王於羑里又城
此以防之故又曰防城岡野馬岡在縣北三十三
里故老云勢如馳馬或曰古嘗牧馬焉岡下冢纍
纍皆葬王侯也岡東南有黃衣水入於鷓鴣陂清
流澗經岡北又過爛石山下在故鄴縣西南五十里折而東
入於漳齊清河二年於岡南頃城北虎澗東堰漳

水爲清河渠東流過西門祠入於鄴今廢虎澗俗
曰彪澗在縣西三十里野馬岡下澗有小泉名黃
花水東南流七里入於洹天禧鎮在縣西南四十
里宋天禧中徙林慮北齊鎮於此因曰天禧東北
十五里有小僧院曰三泉中有井泉冬夏常溫俛
手可挹村民聚衆汲之曰積千百人水不損停畜
之以不溢野人共呼爲聖水云洹水在縣北四里
俗曰安陽河深者三丈酈道元水經注曰洹水出

上黨洹氏縣洹山山在長子縣東過隆慮北黃水
注之又東北出山連逕殷墟東北過鄴城南謂之
新河自鄴東逕安陽縣故城又東過內黃縣北東
入於白溝春秋左氏傳曰聲伯夢涉洹水杜預注
曰水出汲郡林慮縣李宗諤圖經曰洹水源出林
慮西北平地涌出初甚微小東流九十里至安陽
界泉脉漸大又曲屈東北流六十里至州北入洹
縣界今曰洹氏縣在澤州高平然無洹水蓋邑

遷改不常天下之水皆發源於山湫而再發出自平地濟與百泉是也夫淄澠之合古人能嘗而知之洹水湫發於林慮浸發於安陽亡可疑矣圖經未達斯旨故疑水經誤也漳水俗曰漳河尚書禹貢曰覃懷底績至於衡漳周禮夏官職方氏曰河內曰冀州其川漳水經注曰濁漳源出上黨長子縣西發鳩山東過縣南合堯水梁水曲屈從縣東北流東過壺關屯留潞縣合衆山之水其流頗大

彰德府志

卷之一

十四

又東過武安縣東清漳出樂平南少山自涉縣東南來注之世名其處曰交漳口遂東過鄴縣西而東逕三戶峽爲三戶津又東而汗水注之又東逕西門豹祠自西門豹祠北逕趙閱馬臺西遂自縣東北入滏陽縣滏水合水次縣東北有永樂浦浦西五里俗謂之祭陌河即西門豹投巫處也在安陽界魏武帝引入鄴城經銅雀臺下水激有聲不絕曰長鳴溝在臨漳縣則西門豹史起李仁緯所

作引水渠堰曰西門曰天平曰金鳳曰菊花曰望
雲曰百陽皆引天曰天井曰利物今日漳河舊自安
陽豐樂鎮北東流過臨漳南又東北至館陶縣南
入衛正德庚辰秋水溢南決自安陽顯王村南流
折而東至崔家橋又東過永和呂村入衛袤百餘
里當水盛時廣四十里凡安陽上田悉注汙潦其
患甚鉅零泉水在縣西南四十里東流十五里防
水在縣西南二十二里深二尺闊二丈水經注曰

彰德府志

卷之一

十五

水出西山馬頭澗在城南東經防城因名又東合
蕩水陷馬泉在縣西南二十三里一百步楊楞伽
鄴都故事曰爾朱兆與高歡戰兆敗走經此泉馬
陷水治周回二十步在縣西四十里舊經曰後魏
時引水鼓爐名水治僕射高隆之監造深一尺闊
一步半泉東北流十里入於洹民激水爲磨凡數
十溉田數百頃萬金渠在縣西北二十里深一丈
五尺闊八尺鄴都故事曰魏都鄴後起石塞堰自

安陽南引洹水入鄴自鄴入臨漳東至洹水縣當時溉田有萬金利宋元祐中安陽自堰口至草橋十五里水幾廢不流自鄴縣東至臨漳西十五里唯有小水涓涓入毛象陂今廢高平渠源出縣西三十里自高平村堰洹水入渠東流灌溉二十至縣西南流至官道七里越道入廣潤陂唐咸亨三年刺史李景開唐郭子儀李光弼九節度兵安慶緒於相州傳言引漳水灌城今以地形水平

彰德府志

卷之一

十六

法視之漳水去州三十餘里地卑水東不能越南注且無舊渠可浚必自此渠引洹水也宋至中忠獻韓公濬渠入城又於城西北隅傍壕制二水礎歲命酒官造麴幾三千石以紓民勞建亭水濱作詩刻石欲爲郡者遊其地思嗣其功後人不能渠流歲小至不能動礎元祐二年知州事侍史杜純易作立輪知州事李琮相地形別開水不用絕河橫堰而水 倍流 輪不能

作臥輪以復舊法分流入城注滿州園池沼亦如
舊 大明弘治間渠猶溉田有水磨十座弘治末
水淤渠口歲增月益遂塞不行然渠具存廣遂渠
在縣西四十里水涌不竭一曰珍珠泉民引之溉
田廣潤陂在縣東二十二里東西一千五百八十
步南北一千三百步高一丈三尺隋開皇八年刺
史梁士彥引湯姜二水入陂溉田今水不行止注
秋潦海池在縣東北四十里每秋平地升水善傷

彰德府志

卷之一

十七

稼俗曰海子蜀渠源出蜀村北流過張登東流至
西關北石橋入高平渠水塞者幾十年正德己卯
知府陳策開溉田百頃知府又采知縣韓德澤議
於官道東北作堰障水逆流入城壕壕有水自此
始也夾壕植柳萬株菀然成林

論曰渠之利不其大哉凡渠皆引名川石水得泥
數斗且漑且糞長我黍稷春夏不雨汲灌園蔬足
乏絕善守城者必憑高據水可以有功舊志所

載西門史公之績遠矣自魏暨唐李仁緯以來所
開天平戲陽新安三渠引
洹水諸渠湮廢已久予少時
猶見高平之利今亦不行夫水徙無恒暴長則塞
相地因勢彼塞此開存乎人焉耳

墨井在郭村有石如墨左思魏都賦曰墨井鹽池
玄滋素液**西河**隋圖經云安陽有西河即卜子夏
田子方段干水所遊也今西河屬湯陰在姜水南
頃城在虎澗南五里周回四十步高一丈五尺城

彰德府志

卷之一

十八

冢記曰衛頃公築也黃堆冢在亶甲冢西南亶甲
后也舊曰皇后冢譌曰黃堆因名其村宋元豐二
年夏大雨水溢齧亶甲冢穿野人探取得古銅器
質文完好無蝕衆疑觸法碎而鬻之已平冢滅迹
銅器遂無復出者**相縣故城**在縣西十五里隋開
皇十年安陽縣治也唐武德中廢西南又有零泉
縣故城**韓郡城**即漢已來韓郡治所在縣東北十
里俗名七里岡**涼馬臺**在縣北十二里周回五百

步高三十尺鄴中記云石虎浴馬洹中水潔作臺
曰涼馬髑髏臺在縣西南二十八里周回二百四
十步東高二丈西高三丈鄴都故事曰高歡既敗
爾朱兆於韓陵於此作京觀俗曰髑髏臺今俗又
訛曰獨樂臺村云孫登石室在縣西南四十八里
舊經曰晉孫登隱室也洞在仙人澗南深廣可一
丈熙寧中嘗有人得小碑於洞中刻藥方數十通
登見晉書魏徵宅徵鉅鹿人安陽有宅後爲睿宗

彰德府志

卷之一

十九

潛邸韓忠獻宅在宋相州廨內宅後堂曰自公後

爲州園亭曰紅芳

南臨小池池邊有古杏二株

直亭北曰飛仙

臺臺北曰御書亭公堂後曰晝錦堂

公年四十餘以節度歸故

卿堂曰晝錦志君恩也歐陽脩記世多有不載韓公詩古人之富貴欲歸本郡縣譬若衣錦遊白晝自光綯不則如夜行雖麗胡由見事累載方冊今復著俚諺或紆太守章或擁使者傳歌樵忘故窮滌器掩前賤所得快恩仇惡任驕狷茲予來舊意弗在矜銜以疾而量力懼莫稱方面抗表納金節假守冀鄉便帝曰其汝俞建纛往臨殿行路不云非觀歎溢郊甸病軀諧少休先隴遂完繕歲時存父老伏臘潔清薦恩榮孰與偕衰劣愧獨擅

堂夫豈事飲亦非張美名輕薄詫

重許安閑觀已嘗兢戰庶亦視題榜則念報

王眷汝報能何為進道確無倦忠義聳大節匪石

烏可轉雖前有鼎鑊縱死誓不
也 變丹誠難悉陳感泣對筆硯
堂西日求已亭 所射

植柳堪驚近過圍魚躍藻間諸物性月沉波底
發禪機羣鷗只在輕舟畔知我無心自不飛
亭

後日忘機堂 韓公詩昔在懷章遂錦遊壞亭曾復
此亭頭今歸故里藏衰拙更葺新堂

便燕休前檻月波清漲夜後簷風竹冷吟
秋伊余本是忘機者因立嘉名近狎鷗
亭前臨

池池南日觀魚亭 韓公詩雨後芳池碧漲秋觀魚
亭檻俯臨流時看隱苒駢頭

忽見開萍作隊遊喜擲舟前翻亂錦靜潛波下
起圓漚吾心大欲同斯樂 插筠竿餌釣鉤
西

彰德府志 卷之一 二十

北日康樂園 韓公詩惟人生多艱康世豈易偶
業罔不勤樂事豈常有朝家恩澤寬

宣布在封守休民當有時使得遂仁壽相署雖有
園狹陋日已久州人歲即遊疊跡但虛走遂令歡

賞心歸去成煩嘔有圃隔牙城廣袤半百畝我來
關而通高戶敞軒牖其中完廢臺雄壯卑培塿城

野四望間萬里如在手疏池育蓮芝表道植楊柳
糞壤悉反除桃李換葱蔥盛時寒食春觀者惟恐

後人一變闕曠若在藪或相攜以歌或相醉
以酒知為太平民歡語聚首曰非時之歌或相得

此樂不予因揭是名命意安敢苟凡茲屏翰
賢一境實父母必與眾樂斯地肯藜莠 北日

休逸臺 韓公詩冰井梁摧幾百秋昔移為柱立臺
頭層基面壘盤螺殼倒影侵池側廡樓拂

監落霞凌綺席入簷初 臺上瓊鈎芳林已合陰成
茂不見西山涌萬立休 臺復凭欄依然風月

生顏城頭仰視親柳天外徵分舊見山草
豆無歸後怨禽飛同到倦時還欲知恩許三來幸

爛輕裘
白晝閑
直臺東曰廣春亭臺北曰曲水亭亭北

有池北有榮歸堂至和中公再以武康之節來治

鄉郡始建私第作醉白堂

韓公詩
因憶樂天
池上新成
池上篇樂

天先識勇退早凜凜萬世清風傳古人中求尚難
擬自顧愚者孰可肩但舉當時池上物媿今之有
殊未全池東無廩貯餘粟池西無亭揮五絃中無
高橋跨三島下壓鰲背浮清漣其間合奏散序者
童妓百指皆嬋娟平無三石展湘簾靜無雙鶴翹
丁仙雅無吳郡青版舫游泛安便牢且堅吾今謀
退亦易足池南大屋藏群編一車豈若萬籍富子
孫得以精覃研夾堂修竹抱幽翠森森擁檻竿

彰德府志

卷之一

二十一

千池中出粗可愛芡盤菱角紅白蓮芍藥多名
來江都牡丹絕艷移洛川及時花發池左右香苞
爛染朝霞鮮蕙老千此興不淺問會賔屬陳芳筵
宜城釀法亦云美詩酒僅可追前賢狂吟氣健薄
霄漢豪吟體放忘貂蟬酒酣陶陶睡席上醉鄉何
有但浩然人生所適貴自適斯適豈異白樂天未
能得謝已如此得
有蘇軾記
故魏國忠獻韓公作
堂於私第之池上名
謝吾樂知誰先
之曰醉白取樂天而不及者天下之士聞而疑之
若曰公既已無愧於伊周矣而猶有羨於樂天何哉
為公既笑曰公豈獨有羨於樂天而已乎且願
軾聞而笑曰公豈獨有羨於樂天而已乎且願
為尋常無聞之人而不可得者夫天之生人是也
將使任天之下重則寒者求衣飢者求食凡不獲
者求得苟有以與之將不勝其求是以終身處乎
憂患之域而行乎利害之途豈其所欲哉夫忠獻

公既已相三帝安天下矣浩然將歸老於家而天下共挽而留之莫釋也當是時其有羨於樂足怪者然以樂天之乎昔而求之公較其所得厚薄淺深孰有孰無則後世之論有不可欺者矣文致太平武定亂畧謀安宗社而不自以為功急賢才輕爵祿而士不知其恩殺伐果敢而六軍安之四夷八蠻聞其風采而天下以其身為安危此公之所有而樂天之所無也乞身於強健之時退居十有五年日與其朋友賦詩飲酒盡山水園池之樂府有餘帛廩有餘粟而家有聲妓之奉此樂天之所而公之所無也忠言嘉謨效於當時而未表於後世死生窮達不易其操而德高於於入此公與樂天之所同也公既不以其所自多亦不以其所無自少將推其同者而自託焉方寓形於一醉也齊得喪忘禍福混貴賤等賢乎萬物而與造化者遊非獨自北樂天而已古之

彰德府志

卷之一

二十二

君子其處己也厚其取名也廉是以實浮於名而世誦其美不厭以孔子之聖而自比於老彭自同於丘明自以為不如顏淵後之君子實則不至而皆有侈心焉臧武仲自以為聖白圭自以為禹司馬長卿自以為相如揚雄自以為孟軻崔浩自以為子房然世終莫之許也由此觀之忠獻公之賢於人也

古壘在縣北十里南北斜長五里太半堙

擢父老曰唐九節度師營壘也唐書肅宗命郭子

儀與李光弼會九節度使兵圍安慶緒于相州

宗昏弱以子儀光弼元勳難相統制乃用宦官魚

朝恩為觀軍容使坐是王師皆潰陸長源薛嵩

遺骸作大冢掩之如古京觀曰萬人冢永和故縣在縣東四十里漢內黃地也晉置長樂縣高齊省入臨漳隋開皇八年分臨漳洹水二縣置長樂縣十八年改曰堯城唐天祐中曰永定五代梁開平中曰長平後唐同光初復曰永定宋天聖七年避眞宗山陵名改永和熙寧七年廢爲鎮舊城周回三里四十三步高一丈六尺洹水環其西南東二十五里有戲陽城周回二十里二百步高一丈八

彰德府志

卷之一

二十三

尺左傳昭公九年夏四月晉荀盈如齊逆女還六月卒於戲陽杜預曰在魏郡內黃縣北南二里有堯城周回五里一百二十步高一丈常山陵在鎮東二十里周回一百四十二步高二丈二尺鄴都故事曰張耳墓也丹朱陵在鎮東南三里圖經載孟子注曰舜封堯子丹朱於白水即清河也漢樂尚書墓在永和村東周回一百步高二丈夔太尉墓在灰泉村後趙時人與李農爭功忿情而死鐵

山王氏墓在司空村鐵山名昭遠其父名繼昇繼昇父名實初鐵山與父皆爲宋太宗藩邸親從繼昇以勞爲左神武軍將軍順州團練使贈其父官至右千牛衛將軍繼昇卒贈洋州觀察使鐵山從平河東力戰累遷保靜軍節度使爲名將昭遠小字鐵山軍中以其勇毅善戰以小字呼之其子孫別葬於濰水韓諫議墓在水冶忠獻公公父也其先世俱在焉有富鄭公神道碑墳皆甃甃完者尚多

彰德府志

卷之一

二十四

許圭塘曰兵荒中守墳寺僧紀公奮身捍蔽卒賴其力宅兆形勢風水家圖以爲式天地間罕見者魏公墓在豐安村子忠彥等祔初公薨天子自撰碑額曰兩朝顧命定策元勛之碑命學士宋敏求就墓書之賜墳左功德寺曰傳孝報先禪院宋亂寺燬於兵僧徒解散豪右斬木埜人盜甃殘毀殆盡 明弘治癸亥有大名民自首爲裔孫知府劉聰發數墓才得公志陳薦撰也石高廣各四尺

兆中餘亡有矣以詐罪民劉公遂築垣樹碑作享堂三間僉門子二人守之劉公去任野人夜劫屋材暨甃去垣毀碑仆今唯數丘存李太傅墓在蔡村名士明元城人元祐二年河西徙犯大名孫清臣遷葬焉嚴東臯墓在陽記村縣人名美韋善爲詩宋神宗累徵不就隱善應東自號東臯竇和公墓在司空名處約燕山人五代之亂避地冠氏又自冠氏遷相咸平初以明經入官後天子以其慷

彰德府志

卷之一

二十五

慨有將風命易武班官至染院使以子舜卿貴累贈太師進封和國公張尚書墓在將村名正倫杜緱山墓在西王裕村瑛字文玉信安人金將亡士猶以文辭規進取瑛獨避地河南緱氏山中時兵後文物凋喪瑛搜訪諸書盡讀之究其指趣古今得失如指諸掌間關轉徙教授汾晉間中書粘合珪開府於相瑛赴聘遂家焉與良田千畝辭不受術者言其所居下有藏金家人欲發視輒止之後

末居者果獲黃金百斤歲己未世祖南伐至相召見問計英從容對曰君所恃以爲國者法與兵食三事而已國無法不立人無食不生亂無兵不守宋皆蔑之興之在聖主若控襄樊之師委戈下流以擣其背大業可定矣帝悅曰儒者中乃有此人乎賢瑛謂可大用命從行以疾弗果中統初詔徵瑛時王文統方用事辭不就左丞張文謙宣撫河北奏爲懷孟彰德大名等路提舉學校官又辭遺

彰德府志

卷之一

二十六

執政書曰先王之道不明異端邪說害之也今天子神聖進用俊乂先王之禮樂教化興明修復維其時矣若夫簿書期會文法末節漢唐猶不屑也執事者因陋就簡此焉是務夫善始者未必善終今不能溯流求源明法正俗育才興化以拯數百千年之禍僕恐後日之弊將有不勝言者矣人或勉之仕則曰後世去古雖遠而先王設施本末先後猶可考見故爲政莫先於復古苟因習舊弊求

合先王之意不亦難乎吾又不能隨時俛仰將焉
用仕於是題所居曰命安齋杜門著書不以窮通
得喪動其志優游道藝以終其身年七十遺命其
子墓前書曰緱出杜處士墓天曆中贈翰林學士
追封魏國公謚文獻著春秋地里原委十卷語孟
旁通八卷皇極引用八卷皇極疑事四卷極學十
卷律呂歷禮樂雜志三十卷文集十卷謂造歷者
皆從十一月甲子朔夜半冬至爲歷元獨邵子以

彰德府志

卷之一

二十七

爲天間子取日甲月子星甲辰子爲元會運世之
數無朔虛無閏餘率以三百六十爲歲而天地之
盈虛百物之消長不能出乎其中矣論閉物開物
則曰開於巳閉於戊五天之中也六地之中也戊
巳月之中星也今錄其詩八首

鄴南城王氣消沉
井逕荒北風日夜

叫枯桑星移天上河聲斷草沒陵頭石色蒼陸地
百年滄海變西陵千古暮雲長鳴勒勒平川水
寒遶陰山恨未忘西陵望眼憑高入杳冥偶隨飛
鳥到西陵波聲冷撼蒼崖石霜氣晨凝老樹冰自

摸金神可傷豈知破鬼還憎却憐橫槩英
志留與詩八廢興陰道中城連蔓章就陂

防 水天風鼓恨波顧我本

土 雲山 意聽高歌 曉出相州 夢中鄉國

沽襟 元陰雪滿簪客路風霜蕩水闊詩囊

塵土飯山深花開自落本無事雲去復來猶有心

聞 擬從嵇阮醉山陽暮雨竹成林 登古鄴城杖

底行雲拂古苔袖邊風雨濕輕埃風聲尉帥黃龍

去水勢未家白馬來往事無端隨世變野花依舊

向人開九原喚起陳書記坐對三臺共一杯 環

宴飲 坐客終朝望眼西好山高與暮雲齊鶴鳴

一 浦天風急鰲背仙宮海浪低千古地形雄妹土

川 烟景勝耶溪歌聲喚起凌波夢蓮葉香深路

恐 三臺懷古 巋然雙塔夕陽明 慨想曹瞞舊典

九 錫初非基禪讓三分猶自愧英靈水從石

寧 邊白山在香囊分處青空使後人誇壯麗西陵

木 為誰醒白鳥飛邊望眼寬興來一吸酒盃乾

彰德府志

卷之一

二十八

土花漬雨鐵梁澁蔓草接秋冰井寒樹拂曉

土水涵落日蹴西山書生豈識興亡事片瓦

建安 曾孫秉彛字德常為監察御史官至禮部尚

書叅知政事進中書左丞集賢大學士有集四十

卷劉神川墓在潘流村後改寄殯於南關焦道士

庵名祁字京叔渾源人少舉進士失意即閉戶讀

書務窮遠大涵蓄鍛淬一意於古文後復講明六

經推於踐履振落英華收去真實粹然一出於正

王秋

北度寓居衛輝甲辰粘合中書招置慕下

自共城來居年四十七卒有神川遯士集二十二卷處言四十三篇歸潛志三卷田御史墓在清流村御史名芝字信之號香林居士蒙城人金進士積官至嘉議大夫鎮南軍節度副使初爲御史首劾樞副省苞苴非才北渡居相壬寅卒工書翰得者寶之胡文靖墓高文忠墓並在洪河里文忠自太原徙居相州畫錦坊見祠祀志王文定墓在孫平村名博文魯人徙居相之清和坊號西溪從元

彰德府志

卷之一

二十九

憲宗南征歷官禮部尚書御史中丞卒封魯國公謚文定侯宣慰墓在水冶西北名爵字百祿縣人中統改元由大名宣撫司令史補中書掾再轉中書省都事仕至集賢學士大司農卿燕南河北道宣慰使正奉大夫大司農既仕乃折節從許魯齋遊學尚踐履李通獻墓在郭村名才字振文縣人至元甲戌以省掾從大丞相渡江謀畫授江陰軍達魯赤以廉能遷建寧總管仕至江淞行中書省

叅知政事卒謚通獻許魯公墓在武官村子有壬
祔韓文肅墓在洪河村名從益字雲卿縣人以臺
掾爲御史臺都事樞密院經歷累遷昭文館大學
士商議中書省事卒贈魏國公謚文肅徐尚書墓
在郭村名奭字周臣縣人以國子學正爲中書省
掾累遷廣東廉訪使僉事入爲吏部尚書至甘肅
行中書省叅知政事卒胡叅政墓在灰泉村名爨
字安常縣人初以輔巖儒學教諭仕至河南江北

彰德府志

卷之一

三十

行中書省叅知政事父景先有馬祖常碑

公諱景先字彥

明少端默有遠操內自修飭不求當世譽事寡嫂
盡禮畜其孤如己子人有貸錢爲本業子本相埒
至萬十數貧莫能償主責之棘多自經公捐資焉
償之里人謝爲券質公所公火其券歲大侵出廩
實以調其鄉旣匱又賣田繼之至熟人將酬之不
受盜有竊其牛羊者又竊所乘馬公知賊處不問
人嘗具饌奉公公食而甘召庖人問之曰燔能澤
濡能焦味奚是適庖對以法上下釜皆新鑄合肉
其中密其欵頂跡加火焉公曰毋得釜損乎味於
適而器於弊吾弗忍平居恂恂恭謹遇人無戚
豁然無機瞳或欺罔之不以變春秋高矣出入閭
里常却車馬不御與故人父老遊或具几杖亦不
挾鄉人尊之謂翁其長者謂其子弟必教以公爲
致和元年卒年八十子由丞相起家爲

部主事官十轉為中奉大夫十有二遷為侍
史燹為河南行省左右司員外郎河南大饑使告
發廩者如繹省臣以格未即許燹時代判省牘乃
專發米三十二萬石所活五十萬餘人其為河西
隴右僉憲隴右地極邊吏往闕署乾沒無所顧
燹按適姦賊墨坐者七有一人釋濫繫者八人沒
賊四百五十萬緡其右司都事有以西域僧卜
兆言釋重囚以解除者中貴人傳旨引富人子當
死者至內廷將脫械燹白宰相置之獄其為御史
為員外郎左司所言於上悉同案所不能具不敢
言者臨事裁決引大體畧細故矯無所屈又聞其
為尚書戶部也天子入正大統故典親王宗臣庶
官衛士錫予之數為金幣穀帛以萬萬計時浹月
間舉故典者再執事者請括金民間以充用時廷
臣多是其議燹獨以為不便乃稽諸內府之隱覆
郡縣上供之實與內帑歲積之羨不給則令鹽商

彰德府志

卷之一

三十一

入銀以準幣大朝會遂無闕事臣構官御史中丞
知經筵事實與燹同署又見其闡翼憲紀糾繩官
表入侍講幄考質經義究觀前世之變理亂興衰
之際必委悉焉士論咸以誦燹而彝之語臣必曰
魏公之教不敢忘意觀燹之事
邢尚書墓在置度
而質以其言蓋可以知公矣

村名温字孟直縣人讀書喜為詩自號鹿崖累遷

東昌路總管改冀寧路總管卒贈戶部尚書謚康

肅父秉仁有馬祖常碑

公諱秉仁字仁父起家丞
相東曹掾授承務郎平江

路官未上改承直郎濟南萊安等處鐵冶提舉
承德郎江西行中書省左右司都事選充廣

平彰德等鐵冶都提舉官外臺各以名薦尋為撫
管加亞中大夫廣平路總管凡十遷以澧

部尚書致仕階承務郎至議大夫凡六轉出入
中外率稱官守初提舉濟南諸治賦民不困逋逃
復業都事江西行省婉畫直辭贊叶上下議遣官
出廩米五十萬石賑貸屬州饑衆難之公謂異日
有擅發罪乘仁願獨坐萬口斷斷待舖以活者不
可指數也都提舉廣平彰德等諸治差戶程功礦
悉給縮賈殖貨以利予農治辨爲最總管撫州
使臨門賜驛之官撫境地稅戶部賦木緯織布
便之小旱禱輒雨歲連大穰俗頗譁許未幾民恥
健訟移廣平路教學者以雅樂祠事先聖孔子立
鄉校七百各有弟子師課樹桑億萬計絲纈用饒
民有婦妬妾妊而以妾妻奴者夫死而族人欲有
其家訟不決乃以子生月逆計母妻奴之時得實
其民遂有後盜僞以小鈔貫文作大鈔貫文如錢
取鎔燃註誤七十人止以首坐勸醫講黃帝越人

彰德府志

卷之一

三十二

書躬視惠民藥餌比去官民鮮夭扎者賦有寸
之羨立歸之主既致仕益礪志讀書強記不怠字
多楷法尤工古隸子温由中書檢校官拜監察
御史吏部中書左司二郎中總管大名河間都轉

使運 **莊叅政墓**在河次村名文昭字子麟縣人號洹

溪元進士累官刑部尚書陝西行省叅知政事**郭**

祭酒墓在稻田村名思恭字子敬縣人元進士以

國子伴讀仕至集賢直學士國子祭酒**徐學士墓**

在流寺村名昺字彥琛縣人元進士監察御史官

至國子祭酒翰林學士承旨

自侯公以下元史無傳舊志直書官次而

見他無考
姑附此

李萬戶墓在固市村名承慶侍郎

祖也鯨背橋在府城北四里元至元間建有許有

王碑

聖朝既平宋經畫遐邇大都小邑枝疏脉貫
際天所覆猶身焉政令之宣布商旅之通遷

水浮陸馳舟格梁濟荒陬僻壤無遠不達猶氣血
周流百骸用康一或壅塞則身為之病矣故橋

若道路若府州縣皆專官董之先務也彰德實古
其廢修此朝廷著令示為政之先務也彰德實古

相河亶甲所居禹貢冀州之域也世有廢興邑有
改徙而山川之流峙形勢之雄偉津塗之要衝有

不得而變者焉我朝為路則今制而名則昉自
石晉宋若今皆因之郡直孔道驛傳靡屢歷涉尤

劇郡北四里洹水所經夏秋受西山萬壑之流奔
橫馱悍滅防齧涖蕩然四溢官舟濟入而要需

彰德府志

卷之一

三十三

尼上瀑下淖負擊奔渡擠排蹴蹋漏中流湍湍
及溺水涸作橋因肆培斂聚良用惡薄履弱摻行
者机隍莫不股慄歲一修拆民大有輸締構之用
百才一二蠹財病民不知其幾年矣西域荀公凱
霖嘗監安陽縣位卑力小有志未就余待罪中書
適赴調京師嘗語及是慨然曰使不武長郡必作
石橋余既歎異之且語之曰果成予為若記俄陞
路達魯花赤至元二年歲丙子春蒞事首號於庭
曰洹橋病民耄倪具知為永逸計非石不可且嘗
請諸冬官冬官可之總管馮公思繼至而同知
阿藍判官毛刺真暨幕屬諸君莫不協恭贊畫乃
相舊渡沙深水闊抵難為植疏鑿引水人用重勞
東一里水磴廢渠土性堅良面勢惟允基是締構
事半功倍相距幾舉武後先幾年莫有迹者目力
一及若發蓂物出莫不躍然以喜地曰佛以慈航
世不可牟也乃召其徒以其法語之曰佛以慈航

之而
其力之
不也

之而
其力之
不也

入石
尺計
得尺
地尚
可息
吾

不具
集安
陽治
近而
易

未夕
而
二月
四
者

三
為四
而
豆十

一
穹起
植
公

民
有未
歸者
公

請曰
橋之
乃共
發

之昔
之言
今其
國家
之福
民之

也紀
功示
後記
宜為
也亦
之履
危

彰德府志

卷之一

三十四

以雄
偉名
者多
其徒
為之
有儋
天子
之

之柄
而反
不彼
若哉
愚者
不儋
天子
之

見守
志率
而以
定力
奮不
流官
而之
自

濟焉
初是
役之
興有
言忠
三

之莫
不
是
役之
興有
言忠
三

不知
古人
亦有
不

後

之謂也遂作橋成則短古人之立事亦未免
浮議而成於定力也噫作者之難若是俾其功芻
環而施於無窮則有望於繼者焉既為記之又
與人之謠為之頌曰洹水洩洩載伏載流始于
堆崎而勝舟胡為悍肆奔騰喧揚為驚濤激于
狃日偷安斯匪今孰急其病而疚其心豈無徒杠
亦有輿梁駸民之膏視為故常膏腴靡恤事功
益枯株槁壞載胥及溺乃有長人職思其忠心
石轉詢謨復同浮言譏譏謂古有賢而不此作豈
昧于前我不爾咎爾亦匪誣我病誠切孰興孰
千夫運斤山石為竭曾不逾時橫空截薛鱗集
比堅猶纍玉蜿蜿龍臥岩岩雲矗昔也江海今
堂閨偃僂絡繹晝提夜携凡今之人盍究所適旦
父未周夕求其實有為遠慮人即迂之惟畧近
父大可期繼今有位勿怠其成水厭橫流岸

彰德府志

卷之一

三十五

洹水洩洩頌聲洋洋
百世而不於戲不忘

明弘治六年知府鮑

愷重建東有永和橋漳河橋在豐樂鎮北歲九月
與磁州臨漳合力作之夏初則撤

湯陰五岩山在縣西四十里山有五谷東南一窟

孫登室也牟山在縣西四十里山海經曰谷頂似

牟鶴山在縣西四十五里飛鳳山在縣西五里以

形名蕩水在縣北一里闊八尺深二尺水經注曰

湯水出縣西石尚山東流經縣城北縣因水名

又東北至內黃縣入於黃澤唐貞觀元年以水
溫改曰湯姜水在縣北八里闊八尺深二尺水經
注曰姜水出湯陰西北四十里流姜城北水積成
淵方十餘步深丈餘東至內黃與防水會又東歷
黃澤入蕩水宜師溝在縣西南三十五里闊三尺
深二尺水殊寒土人名曰令泉圖經曰魏文帝幸
洛道病有師巫愈之故名水經注曰蕩水東與長
沙溝水合其水導源黑山北坎谷東流逕晉鄙故

彰德府志

卷之一

三十六

壘名將城即魏公子無忌矯奪晉鄙軍處也其水
又東謂宜師溝又東逕枉人山東北至內黃入蕩
水又曰黃雀溝夏秋則泛春冬則耗今黑山及晉
鄙兵壘無水龍爪井在鶴壁社父老云晉時歲旱
農夫禱於龍洞得雨將祭之孫登曰此病龍雨也
安能蘇禾稼乎如弗信請鼻嗅之水果腥穢後數
日大雨降大石中裂一井無鑿痕其水湛然人謂
之龍爪井栢尖龍潭在鹿樓社禱雨多應龍泉在

縣東南二十五里闊二丈深二尺不自衛縣界東北流一里合宜師溝淇水在縣西七十里闊十步深二尺東流十一里入魏縣界語具林縣下司馬泊在縣東三十里周回十七里近司馬村帝王世記曰鄴縣西南有上司馬殷太甲嘗居焉今之司馬泊及司馬店乃在鄴之東南故鄴都地形西北高東南下此豈下司馬歟何村與泊皆以司馬名也鰲堤高一丈六尺厚二丈五尺在開信社按漢

彰德府志

卷之一

三十七

書溝洫志曰內黃界中有澤方數十里環之有堤蓋捍孟門者也邶城在縣東南三十里殷紂子武庚所封之地姜里城在縣北五里許周回二百五十步高二丈中實姜里蓋商獄名也夏曰夏臺周曰囹圄皆圜土也紂嘗囚文王焉今高丘上有文王廟雀城在開信社周回二百步高二丈圖經曰文王囚於姜里武王於此築臺而望之時赤雀來見圖經又有爵城伯臺皆曰武王事然世遠未敢

質言也。魂城在隆化社。圖經曰：齊桓公娶衛女爲媵，道卒於此，招魂葬之。今有墓存，周回二百步，高二尺。伏道店在縣東十二里，傳曰：紂知民怨已，乃置兵防城以衛姜里，又於伏道左設兵焉。今泊中產艾善療疾，民居善陶瓦。孫登洞在鶴壁社。思賢堂在城中，宋令陸志去後，民過志所嘗舍者必徘徊慕焉。令張漸伯因命曰：思賢堂。雙桂堂在縣治。

東今爲元尚書守直宅，舊有劉岳申記。予友會福院照

彰德府志

卷之一

三十八

君獻臣有子四人，仲子有壬、登、延、祐、乙、卯、上、第、官、兩、淮、鹽、轉、運、使、季、子、有、孚、登、天、曆、庚、午、上、第、初、仕、爲、湖、廣、儒、學、副、提、舉、官、作、雙、桂、堂、於、其、鄉、所、以、顯、其、親、且、勸、學、方、來、也、初、會、福、官、臨、江、時、嘗、爲、奈、言、長、沙、有、書、數、千、巷、教、子、讀、之、吾、將、老、焉、臨、江、別、去、而、可、用、明、年、遂、踵、凡、武、會、福、官、不、過、幕、府、而、能、不、累、吾、弟、相、其、長、子、大、理、君、善、治、家、謂、二、弟、曰、家、氏、爾、凡、弟、俱、第、當、以、變、學、專、母、憂、爲、家、也、天、祐、吾、許、言、至、是、信、堂、成、而、大、理、不、及、見、矣、然、許、氏、可、書、者、堂、而、已、乎、始、會、福、生、七、歲、而、孤、母、宋、夫、人、年、二、十、有、人、自、靡、它、會、福、既、長、爲、綵、堂、以、奉、夫、人、盡、所、以、爲、歡、者、以、養、夫、人、守、節、四、十、七、

大理如

趙當封讓封爲湯陰縣君封

嘗讓封者又善事善位而哭曰賢也

以下皆慟可行可與位而哭曰賢也
以止余母哀可行可與皆可用立朝有大
有濟世志必以令名終可行自此升勿忝會福無
負大理母下兩淮以蚤有譽於天下以從其兄
綵而登堂然後使天下之為人子者皆以許氏榮
其親為勸然後使天下之為人親者皆
以許氏教子為法許氏孝友行於天下

紅礬場在

鶴壁社山中有地一區周圍二里土潔白取而燒

之其色轉紅今充貢**瓷窑場**在鶴壁社取土作器

入冶成五色不假丹青古稱日出萬貫者今廢扁

鵲墓在縣東伏道社史記鵲齊鄭縣人姓秦名越

彰德府志

卷之一

三十九

人春秋時良醫後為李醯所刺墓在廟後**嵇侍中**

墓在縣西南門外周回二百步高二丈晉書曰惠

帝昏弱諸王作亂帝躬北征成都王穎以兵犯帝

前侍衛奔走侍中嵇紹以腹捍帝血濺御衣而殞

帝脫禍至相左右欲浣之帝曰此嵇侍中血不可

浣也因名地曰浣衣村**三士冢**在土昌社舊傳晏

子所殺三士也齊湯之相去遯矣必譌傳也**張長**

史墓在縣南一百步周回二百步高二丈墓左有

云魏孝昌四年故定遠將軍秦州長史張文簡

唐孝子上官文祖父母墓在縣西十里隋孝子石

午祖父母墓在縣北五里道西周回一百步廣濟

橋在縣北一里湯河上西河橋在縣東三十里伏

道橋優曇橋

在本村

彰德府志

卷之一

四十

彰德府志卷之一

